

Tibilii hu nırɔrɪ dɪ fɛv rà

Dɪ ther jʊɪrpar sɪ sɪ tu a jɪ dɪ do samɪnɪ kɛ cɔtoɔ sunɔ na fɛv caar rà hananɪ, nà ɛɛ punu kɛ makhanɪ, a doni thɪn pemnaniaʔ, n gbɛwa a do cɪr sɪ deeduur à n ha le baanʔ. ɛr n gbɛwa a do cɪr sɪ dɪkhan wo cɔɔpa sar nà haarʔyii ha kɛ dɪ kɛɛ bunɔ,

Dɪ ther jʊɪrpar sɪ sɪ tu a jɪ, mɔ wa turonɪ sɪ a guura Tibilii hu kaanke a hananɪ huɔaʔ, dɪ dor nɔɔ, sɪ ado teehuu kpɪɛr jɪna kpooɪ kɛ wɔ n kpoo wɔrɪ, dɪ n jama. Sɪ dɪkhan wo thɪn kontinn kɛ hanɪ tbilii kpɪɛr rà, a tini gbelengbelen nɪna, dɔ dɪ kɛ wa thɪnɪ a do kaanke teehuu sunɔ na ná phɪrɪnɪ nɔɔaʔ; sɪ wɔ hana tuur, wɔ ʔli taarɪ, maar kɛ n kɔ yɛnɪ cillo nà bɔkɔ kontinn ɪn tɔ dɪ hunɔ yer.

Dɪ ther jʊɪrpar sɪ sɪ tu a jɪ dɪ fɪrrɛ, Tibilii hu ra ɪn ʔli cɛɛrɪ dɪ the jɔfa sar rà, dɪ ha mɛ thɪɛn ná fɪr wɔ, a kpɪɛr a thunɔ sɪ a ɪr a jamano pesidan puu sunɔ kɛ n kɔurnɪ tɪbɪla nà ɛ n huɔl yɛrɪ dɪ n ha na nɪ yɛ koraʔ.

Dɪ ther jʊɪrpar sɪ sɪ tu a jɪ dɪ fɪrrɛ dɪ dɪ sunɔ ná ʔli bulli dɪ nawɛ ná khɔn ɛɛ thɪnthɪnn,

Dɪ ther jʊɪrpar sɪ sɪ tu a jɪ dɪ do le Jɔfa Sɛbɛ bunɔ na, dɪ sunɔ kɛ kpanɪ gbɛv, ɛɛ too sunɔ burre nɪna gbelengbelen ɛɛ tuur kɛ wɔ hananɪ Tibilii tɔntɔn pununɪ na, samɪnɪ na nà teehuu dɪfɪ rà, na mɔ kɛ kɔna nà khera makhanɪ jɔfa ɪrɪ rà. Sɪ dɪkhan wo, wɔ turi khor sɪ wɔ faa huɔ tɪbɪla fɛv ɪn gal ʔyɛkɔlɔɔ, sɪ wɔ thɪnn jɔfa kɛ ná cɔvɪ dɪ deeduur ná ha fɪv nakɛaʔ,

Dɪ ther jʊɪrpar sɪ sɪ tu a jɪ sɪ dɪ sunɔ na gbɛvɪkha turina ɔlfɛrɪ wɔ bulkha nà Dɪ sunɔ kɛ ra gbɛvɪ Gbulun,waan jʊɪr mɔ dɪ sunɔ fɛv, par rà fɛv, ná funɪ sɪ wɔ gbarɔ yɔv Tibilii hu nà ɛ tɛɛna yɛnɪ dɪ wa sɔl na cɔv dɪ deeduur ná ha baanʔ,

Dɪ ther jʊɪrpar sɪ gbɛvkhadara ra tu a jɪ sɪ guurkha jɔfa sunɔ le rà ra na mɔ deeduur a hanɪ baanʔ, dɔvnn thɪn kontinn karonɪ ɛ fɛv rà , wa gbanɪ wɔ cɔvna ɪrɛ hanɪ ɛɛ kpɪɛr rà, wɔ turonina ɔlfɛrɪ,

Jʊɪrpar sunɔ kɛ rà ra dɪ the sɪ gbɛvkhadara ra gba thɪn Nırɔrɪ kɛ doni Tibilii hu, thenɪ Dɪ sunɔ kɛ rà kpanɪ gbɛv kpɪɛr rà, a nɪna dɪ sɔl dɪ do thɪɛn kɛ dɪtoona nà dɪ sunɔ na fɛv n bulnɪ dɪ waan ʔyaal. A dɪ ha mɛ tɪbɪla fɛv nà gbulunɪ sunɔ na fɛv kɪɛr dɪthɪ rà naa kpɪɛra bɔɔ fɛv Nırɔrɪ le ra, wɔ fɪr ɛɛ bara sɪ waan dɪr tɪbɪla, waan dɪra bɪsana wɔ punu wɔ khɔn jɔfa le raa dɪfɪ rà sɪ wɔ jɪ deeduur caar ra fɛv pɪɛ. Dɪ mɛ na, gbe gbe, wɔ gba fɪlwɛ, dapa kɛ wɔ hanɪ nà kaanke ɛɛ punu khunɪ, wɔ cɔv mɔ wa cɔvɪ sɪ tɪbɪla sunɔ kɛ hanɪ le dɪ sunɔ kɛ rà ra kpanɪ gbɛv thɪnthɪnn, wɔ turo sɪ wɔ cɔv par rà fɛv mɔ dɪ sonina sunbɔr.

Varpar 1

Teehuu sunɔ n ther ɛɛ nɪ bunɔ wa n do deeaʔ sɪ wɔ n makha samɪnɪ na nà hu tɪnɛpar rà. Thangba tɪ yer à pɛ yer jɪr nà fɪlwɛ sɪ a teena waan fukha omkhaa.

Varpar 2

Tɪbɪla fɛv punune wɔ so jɔfa ra fɛv na mɔ deeduur a hanɪ baanʔ, sonɪ kɪɛr Nırɔrɪ kɛ rà, ɛr dɪ tɪ. Sɪ lee kpɪnɪ náa harɔ nakɛ dɪ do, caar, teebirduur yaa dabuloduur, kuunduur yaa kherduur, ca thɪmɪr, ɪ hukpapa, mɔ ɪntɛ ɪn kpɪɛrɪ dɪ n gbɛɛsɪnɛ hana yaa ɪntɛ kpɪɛr ha nà haanɪ da, dɪda dɔvɪ ɪntɛ doni yaa ɛ n cɔvɪ ɪntɛɛ dɔɔ, ler, kɔnpar yaa thɪn ca dɪkha, dɔvnn nɔɔaʔ.

Dɪ nakɛ wɔ, leeri náa ha le sɪ a ha fɪv nakɛaʔ dɪ do ɪntɛɛ dɪ yaa ɔɔ bɔn gbɛɛnsɪ, sarwɛ tipar, ɛ a doni kaanke a n kanɪ, dɔ nɔɔaʔ; a do nakɛ dɪ le ra yaa bäänn le ra a hana ɔɔ thethɛɛ punuaʔ yoo, aa ha dɪ nyɔkɔɔ, aà hana huɔ a cɔv thɪɛanʔ yaa wɔ pɪɛr wɔr thɪn dɪkha rà dɪ aà hana pununɪ caanʔ, da do nɔɔ dɪ leeri ná haaʔ.

Varpar 3

Tɪbɪl woo tɪbɪl tɛɛnane yɪrɪ, a tɛɛnane a ná do deeaʔ sɪ aà tɛɛna wɔ fɔv pɛɛ ra pɛɛ wɔ khaann kaso rà sɪ do wa kɔɔ kɔl ʔyɪɛ guur ɔɔ soaʔ.

Varpar 4

Tɪbɪl a tɛɛna wɔ tuu deeduur rà yaa waan huɔl wɔraʔ; deeduur ra nà deether ra náa ʔla ha le baanʔ sɪ do gbe yɪ nakɛaʔ.

Varpar 5

Tɪbɪl a tɛɛna wɔ dɔɔyaaaʔ yaa wɔ pɪɛ pɛbaan yaa wɔ cɔv wɔ cɔv ca dɪkha kɛ puuronɪ, a tɛɛnanɪ dɪ cɔv tɪbɪl làaʔ yaa dɪ phiiaʔ.

Varpar 6

Tɪbɪla fɛv tɛɛnanɪ par fɛv kɛ wɔ hanɪ tɪbɪla n hana tuur ɛɛ jɔfa rà.

Varpar 7

Tibila la fev makhar jɔfi raa ʔyekulɔ, si a hana huɔ jɔfi ra n cɛɛ yɛ cɛɛ biɛl si a ná pɛrɛ pɛɛ Tibila fev hanane huɔ di wa cɛɛ yɛ cɛɛ biɛl thin caar fev kɛ rà n pɛ yɛrni leeri ná cuɔpa caar fev kɛ pununi di ina yer leeri, si dii n di Nɪɔrɪ kɛ rà.

Varpar 8

Tibil woo tibil hanane huɔ vuɔn a so soguurpar kɛ rà, le dii rà, jɪr, ɔni a tu thin puu kɛ wu cuɔ nɛrni a dina cɛɛ jɔfa rà si a faana dii raa hu kɛ a ha nɪɪa? yaa cɛɛrɪ kɛ jɔfi ra n cɛɛ nɛr nɪa?.

Varpar 9

Tibil ná punu wu fuɔ yaa wu khaann wu kaso rà yaa wu welen wu nà fanga wu faa di banwo daʔbuul làa?.

Varpar 10

Tibil woo tibil hanane huɔ ʔbilami a makha nà ɛ, di wa guur ɔɔ so tibi fev ʔyekulɔ, soguurpar rà kɛ hanani dapunu, à n kunkuunia?. ra ná nɛ wɔr ɔɔ jɔfa nà ɛ tɛɛnani dii ná cuɔ, si a ná suu, huɔ kɛ di kpani si di waan guur wu sor, wu fuɔ wu khaann.

Varpar 11

Tibil woo tibil kɛ wu n baalɔni dii n ho ɔr cuɔ thin puu, à do sopucɔurdaar pia? foo wu guur ɔɔ so tibila fev ʔyekulɔ wu yɛɛ di àà hana huɔa?. Wa cuɔrɛ mɔ wa cuɔni le guurpar rà si wu ʔyaal jɔfɪjɪ wu haa, a mɪi thɪmɪr ra a haa si a punu a pɛ wɔr.

Tibili woo tibil ná lon kaso rà sɪi do dabɔɔ kɛ a n kɔɔ cuɔni sopuu le yaa a kɔɔ dinani thin bɔ ca dɪkha cuɔrɪ, dii raa jɔfi yaa di kpɪi jɔfi à kɔɔ thera yɛ dii n do sopuua?. Dɪkhan wo wá khaann tibil yɛ nuɔ in jɔ ɛ jɔfi soni wu hana inɛ bɔɔ kɛ sopuu ra kɔɔni cuɔa?.

Varpar 12

Tibil woo tibil a tɛɛna wu ʔlɔɔ ɔɔ thɛthɛɛ yi rà, ɔɔ cɔtoɔ rà, wu lon ɔɔ cɔa? yaa wu kher ɔɔ lɛtɛrɛ wu hiinna? yaa wu pɛ wer nuua? yaa wu phii si kɔɛ wu iri, sɪi do huɔ a harɔa?. Tibil woo tibil tɛɛnane jɔfi ra in cɛɛ wɔr ʔlɔɔrɪ rà nà phiir caar caar rà.

Varpar 13

Tibil woo tibil hanane huɔ a naa kpaar baʔa si a ʔyaal ɔɔ toopa di ukhaa thinthiinn.

Tibil woo tibil hannane huɔ a the dii fev rà, ɔɔ thɛthɛɛ duɔ a bo harɔa?, a kpaar, si a bur a cɛr a in.

Varpar 14

Bɔɔ kɛ kpoori ɪrni, tibil woo tibil hanane huɔ à ʔyaal wanpar di wa faa wu dii na gal di banwo.

A ná punu ná so ɔni hanane huɔ ʔlo ɔni fuu ɔni lon di kpɪi rà si sunbɔr a cuɔrɛ ɔɔpu kontinn a dina tibila fev rà, yaa ɛ a cuɔni n guɔ Di sunɔ kɛ kpani gbɛɔ kɪɛrɔɔ rà si a ha kpɪi nà ɛ wu n turoni, di waan ʔyaal wu nake juuwei wu fua?.

Varpar 15

Tibil woo tibil hanane huɔ a do dɪdaar.

Tibil woo tibil ná punu wu taa wɔr ɔɔ dɪdadoa? yaa wu kɔɛ huɔ kɛ a hanani a dona dɪda kpɪia?.

Varpar 16

Bɔɔ kɛ kuunbir ra nà kherbir ra nàa valani, wu hanane huɔ wu he kha wu konkha bɪsana si dá do caar, dɪdaduɔr yaa inɛ huɔkapa duɔnn kɔɔ a nyaarɔ nake gbea?. Wu tɪnɛnɛ huɔ a makha her rà na mɔ her ra ná puɔrni a dana ɔɔ kuurpa.

Her ra ná punu ná cuɔ si ado ʔwɛdara kɛ ná henikha tunena haar fev sɪi do thɪɛn a fir yea?.

Cuɔr ra duɔnn dii fev rà thɔɔn kɛ Thangba tini, a dona cɛɛ thɔɔn, si a hana huɔ, a tɛɛna tibila la fev nà dii ra fev in ber wɔr.

Varpar 17

Tibil woo tibil, aa ha biɛl yaa wu jɔɔrɛ, a hanane huɔ a hana ɔɔ konkonthɪɛn.

Tibil woo tibil ná punu wu taa wɔr ɔɔ konkonthiɛan?.

Varpar 18

Tibil woo tibil hanane huɔ a kpiera thien, a hana filwe si a kpa huɔ ke peni haar, si thien ná fir wua?; di hu ɔre ra n nirɔre a punune a fi a kpa hu kpɛi si thien ná fir wua?; di dikhan wo di n nirɔre a hanane huɔ a ʔla nirɔ gbelengbelen ɔɔ hu ke a kpani yaa thien ke a jini, ado dibara a yaa wu bulle too, ado nake tee jo ra yi yaa dikhanpa yi, di ther diiri rà, cuɔrpa caar caar rà, fuɔri rà, nà huʔyiri caar caar rà si thien ná fir wua?.

Varpar 19

Tibil woo tibil hanane huɔ a päl bine si a mi ɔɔ binthimi si thien ná fi wua?; di n nirɔre huɔ a harɔ di wa tuu maar bunɔ di do ɔɔ kpierɔnɔ ɔɔɔɔ?; di di n ka nirɔre huɔ harɔre dii na ʔyaal a na fu thin nirɔri kpierɔnɔ ke haani yuɔ si a na gba ɛ a pununi a na miina di wa nie dii sunɔ na fev si leerɛ ná harɔ nake gbea?.

Varpar 20

Tibil woo tibil hanane huɔ a gbɛukha nà tibilá si a ha gbuluni na kaanke haarʔyii hani, si thien ná fir wua?.

Tibil woo tibil ná punu wu fir wu wu pe gbuluni naa?.

Varpar 21

Tibil woo tibil hanane huɔ ɔɔ thethe yaa a ti tibil ɔɔ irir rà wu bulkha nà ɔɔ dida wu juur thien ke hani le ɔɔ duɔ si thien ná fir wua?.

Tibil woo tibil hanane huɔ a do thɔma biɛl thomadopar rà le ɔɔ duɔ nà tibilá fev.

Thun ke dii raa too nani duɔnn cɛcɛ thien n ʔbanɛ dihiindara jala di wu n ʔli pununi. Thun ke ra wu nani teenane di the mo tibilá fev phiirni, si muɔli ná harɔa?, dihiindara ɔɔ ke wu ʔlaanikha, kunkuuni ná harɔa?; di wá nirɔ tibil in ji inte ke wu n phiirnia? yaa a cuɔ cuɔ ca dikha dii ho wu n firre tibilá? phiirpar ràa?.

Varpar 22

Tibil woo tibil mo a hani tibilaa thinthiinn, a hanane huɔ waan ber wothin puu náa daan thomadopar ràa?; wu tiire a thunn a haa huɔ di da wɔr a ji lenlen thien a naa fu, a hana berri thin puu rà le thomadopar rà, gbɛukha nà ɛ wu hananikha jiri biɛl; ɛr teena di difi wu di cuɔ wu a kho baʔa di do buɔ ke ra dii ra n doni, na mo dii sunɔ na bulnikha a do nobiɛ duɔnn ɔɔɔ; di da the mo di duɔnn n gbɛɛnsini ɔɔ thethe nà lenlen thien ke a hanani.

Varpar 23

Tibil woo tibil hanane huɔ a do thɔma, a ʔyaal thɔma ke a hani si thie ná fir wua?, a hana nobɔr a makhana ɛ thɔma ʔyaali là di da wɔr si wu jiri wɔr a hana thɔma a naa do.

Er fev hanane huɔ wu ʔli ʔlumi wu makha na mo wu n doni thɔma a makha si dänbäl wer ná harɔ nake si do gbe di haa?.

Tibil woo tibil ke n doni thɔma, a hanane huɔ ado da punune wu ʔ wu hu kpɛi puuwe náa daan thɔma dopar rà, a ʔli ʔlumi a di bɔɔkha di tie nà ɔɔ cotoo, dikhan a difiɔ, ɔɔ teedo ra naa gaala wu ʔyekulɔ.

Tibil woo tibil hanane huɔ a gbɛukha nà ekha wu kur sintika si a makha nà sintika ekha waan hiinn ɔɔ hu kaanke a n doni thɔma.

Varpar 24

Tibil woo tibil hanane huɔ a hiir si a hana ɔɔ a thana jie si nake wu wur ɔɔ rà ɔɔ thɔma do lier si wu ʔlumi wu ɔɔ ke a gbanɛ konje.

Varpar 25

Tibil woo tibil hanane huɔ a ʔli ʔlumi ke bɔɔɔnikha a punu a tonbi ɔɔ ke di si wɔri, a berna yuɔ si a naa hiina ɔɔ cotoo nake wu thien waan kho, waan to, wu yi cɔpar rà, wu gal dɔɔɔɔɔɔ wu hiinn me a hana huɔ wu bul wu mo teenani thilciir ná ʔli le thomadopar a hanane huɔ wu jiri wɔr a ná ku buɔ ɔɔ ke aà n doni thɔmaa? thɔma kuene wua?, a ná ku buɔ ɔɔ ke di n khuunia?, ɔɔ ke aà pununi baan?, ɔɔ ke a doni khikhera? yaa ɔɔ ke ɔɔ kher ʔ tin buɔa? yaa bu ukha rà mo aà hanani thien a tena ɔɔ thethea? da doni ɔɔ ji si a cuɔ yia?.

Kher ke konɛ bi nà bɛsaann ke a khoni pia? hanane huɔ wu bul ye sar si wu te ye te sar. Bɛsana na fev n hanane cɛeri a thomadopar rà ado nake ɛe thi nà ɛe ni herkha si a kon ye yaa ʔwedaari

rà wu kɔn yɛ.

Varpar 26

Tibil woo tibil hanane huɔ a gal nakol a ʔli diiri. A teɛnane di do pɛɛ wu diir wu. Bisan yira kɛɛ nakol wer nake nà cɛcɛ diiri a teɛna wu ʔlɔ waraʔ. Bisana na a teɛna wu faa yɛ cuɔr si do wa n gal nakolaʔ, di fanga thien. Diiri kaanke wu n diirni thɔmaduur nà diiri kɛ ra n ʔ thɔma, teɛnane di thɔ tɪbɪla fɛu di can; nakolcɔ kontin luunn teɛnani tɪbɪla fɛu in ʔlaa wu ʔluru wu makha mɔ inte teɛna yenɪ.

Diiri ra teɛnane di tɔ teeduur daan pɛrɛ, daan gaala ʔyɛkulɔ si di cuɔ guuri kɛ wu n guurani Tibilii hu nà mɔ kɛ cɛcɛ rà thien à firni tibil di n do deeaʔ, in ti. Diiri ra teɛnane a gbɛu tɪbɪla waan ni boboi; ʔyɛekha nà kuuni di sunɔ naa thɪnθiinn, teebira raa thi yaa dabulo sunɔ naa thɪnθiinn yaa huɔ kɛ inte kpani, in yɔɔ; si wo diiri teɛnane di cuɔ, Di sunɔ kɛ ra kpani gbɛu di wu n ʔyaal haarʔyii in hana, ɛɛ thɔma kɛ wu n doni naa ʔli bääni.

Thire nà nire sunɔ na duɔnn cɛcɛ tɪbɪla kɛ hanani huɔ wu ti diir caar kɛ n gbɛɛnsɪni ɛɛ bisan sunɔ waan diira yɛ.

Varpar 27

Tibil woo tibil hanane huɔ, si thien ná fir wuaʔ, a gbɛukha nà ɛ a toonanikha pa biɛl waan cuɔkha ca thien; a hanane huɔ a yirɔ defiri ɛ rà wu jini di wu n cuɔ, wu bulkha jiiir ra in khɔn daan gal ʔyɛkulɔ si wu tɪnɛkha defiri kɛ wa ʔlini.

Tɪbɪla fɛu hanane huɔ wu cɛɛ yer wu ʔli defiri, wá gba yɛ filwɛ nà thie kɛ wu tini di the ɛɛ jiiir fɛu kɛ rà wu hanani yaa sebehiini na nà nyir rà nà thien kɛ wu jini di wu n cuɔaʔ.

Varpar 28

Tibil woo tibil hanane huɔ le ɔɔ duɔ nà di kpɪi rà , a pɪɛr nyanyaani daaanʔ; mɛ da ha si tɪbɪlaa hu kɛ wu hanani na mɔ deeduur pɪni, soni kɪɛr Nɪrɔri kɛ rà , in punu di hana fanga mɔ teɛnani.

Varpar 29

Tibil hanane ɛ teɛnani a cuɔ dapa kɛ a tooni; thien kɛ pununi di cuɔ dapa rà a tooni ha mɔ ɔɔ teedo nàa nyirni tɪbɪla fɛu ʔyɛkulɔ na mɔ thien ná fir wɔniʔ.

Mɔ inte nàa iirni ɔɔ hu rà, da doni thien ha le di n fir wuaʔ, àà teɛna a cuɔ thien a kaansina jɔfi raaʔ; jɔfi ra n sor ʔbilami aa haann in to difa ɔɔ ɔlɔnkha a náa saa nɔɔaʔ, a náa fir wu si a muɔl wuaʔ yaa a dänbälaʔ. Di jɔfi ra n ʔyaale di do kaanke di raa too hanani pununi wu n phiirna dihiindara, thien in yɔɔ, tɪbɪla in hana cuɔpa bɔ teɛnani, wá ʔyaal nyanyaani in lɔna tɪbɪlaa thɪnθiinaʔ si wa ka ná na bɔcuɔri tɪbɪla fɛu rà.

Huɔ kɛ ra tɪbɪla hanani na mɔ thien à n fir yenɪʔ ná punu ná do yɛ, ha nake gbe, si ado mɔ kɛ Di sunɔ kɛ kpani gbɛu n kpɪɛrni si a pɛ haar di hana yiaʔ.

Varpar 30

Tibil náa punu fi jɔfi biɛl nake kɪɛr Nɪrɔri kɛ rà, a di ha mɔ nake, si a di ho hu dikha ʔlaare, a ha gbuluni yaa tibil biɛl, a gbuu yuu thɪn di cuɔri rà yaa a naa cuɔ thɪn puu kɛ n ʔyaalni di nyanyaann tibilii hu kɛ a hanani na mɔ thien à n fir wɔniʔ, soni le Nɪrɔri rà raaʔ.